

紫園草卷三

衡郡曾朝節著

五言律

夏日偕余世用徐元實沈茂仁三太史張質卿
李汝培二侍御邢公照大行呂繼師祠部同遊
西郊用質卿四韻

朝靄清山色涼氣動仙宮得暇來河朔尋幽入閭風
共飯黃梁後行瞻紫闕中為歎浮生客空令短鬢蓬
右早懋靈應宮

馭鶴湖天影聊停草樹間沿溪皆勝賞恣意一遊攀

酒思隨行躅閒心即抱關指點長堤路荷香到碧山

右小酌道中

湖上瞻城闕紅雲擁馭娑誰將功德水幻出曼陀羅
龍女家清瀨江妃立素波向遊花事盡重此一高歌

右觀蓮西湖

看花堤岸曲蓮社盡餘杯逕繞棲雲樹山迴避暑臺
掛衣蘿月上席地柳風來野酌情偏適裁詩記此回
右晚過廣通寺

送長寧朱令

有小引

朱君之行也適余舉小犬過而賀余余曰君

往將父母其治邑書曰如保赤子乃用廉明
公慎為韻得四首以贈之

荆南憐抱璞嶺北喜垂簾到覺鄉山近閒聞吏隱兼
簿書迎利刃寬惠撫窮閭風教通蠻谷從知茂宰廉
為別西峰雨愁心陡自生薊門仍寂寞楚客少逢迎
折柳驪駒急看星劍氣橫莫卑銅墨綬柏府佇賢明
舊是文場彥今知製錦工冰心寒皎皎春意煖融融
手挾循良傳人還太古風不勞憂不達薦拔自群公
長道驚中原遠心屬青鬢秉義慨以慷守身潔彌峻
三尺庶不撓六條亦俱振發軔無謬從勗矣在端慎

送周司訓之廣州

家山一嶺隔幾日五羊城客舍青氈冷書堂絳幄清
傳經將化雨說劍激盱衡氣自凌雲在翩翩壯志生
和鑑湖海棠韻

強半青春日初開海上花凍應含冶艷晴為吐雲霞
賞自呼名友酌疑傍酒家雨後燕支濕還思度小車
送江涵齋之洛中二首

世路嗟如此悠悠歲月過酒徒燕市少春色洛陽多
鴛辨仙人至亭後醉尉訶向來稱劍術事業豈蹉跎
同時俱宦達君亦不群才失馬窮途久鳴琴素望開

三花間映幕二室擁登臺別後應相憶何年共一杯
秋日偕張質卿楊公亮陸敬承費國聘同遊西
郊以門踈清觴為韻各賦四首

野涼清客袂山色映芳樽曉日懸祇樹秋光匝水村
法輪空界出人語半天喧翠幕蒼茫外松陰滿四門
覺地開層級團欒聳碧虛一枝存象教五葉續燈初
真梵聆金鐸香花護寶書坐餘思證法皈佛向來踈
右真覺寺五塔

曲磴凌虛盡逢村一問名何人闢琳館此地即雲城
別洞花爭簇空亭景共清悠然靈境內無限碧霞情

亭子名園別清幽引興長雲中墮仙樂花下聽霓裳
茂樹秋陰淨空山夕照涼正愁車馬動何惜盡餘觴
右崇恩觀園亭

少玄宗室勅理藩政詩教太史索題

維城表南國樂善起東平招隱小山桂燃藜太乙精
王孫自標的帝眷屬宗盟龍詔開春殿章江瑞氣橫
贈武陵龍君司訓青陽

永泰渠西客桃源洞口舟片帆三楚濶疊障九華幽
紫氣官如隱青氈歲似秋賸有夫容句緘書慰旅愁
秋夜舟中對月 丁亥

波靜息蘭橈秋深肅絳霄岸光初上月江遠欲中宵
空水天俱白長汀練共遙寸心已愁極幽景况蕭蕭
斗米洲阻風

拏舟度湘渚壠上見蓬茅風有重陽候林無百鳥巢
乘流寧似鷁繫岸只如匏便欲穿林去輕鞭拂露梢
紫巾菴

山頭巾紫霧山下復如何古刹高僧住幽期勝侶過
數椽圍竹樹一逕入松蘿落葉逢秋盡還疑是貝多
廢壽靈宮

仄逕懸厓度空山短杖行入門聞鐵鼓上殿憶鸞笙

古樹彫瓊葉高臺沒綉薨昔年騎鶴者何處步虛聲
九仙觀址

翩翩九羽客騰躍在珠庭福地空殘礎仙踪只落星
燒丹應秘術鍊氣總遺形雅尚紅塵外誰傳相鶴經
顧明府北上賦得湘水

清源日蕩漾東合蒸水流過雨簟紋細到秋峰色幽
欲染客衣綠盡寫長天浮不及滔滔意能隨萬里舟
陽臺山安理涯明府席上二首

山聳屹曠濶四望天體宛然圓蓋山後平野
極目無際水漲宜更勝當有亭曰大觀蓋與

洞庭不差殊也理涯謂然

何處窺圓象當空一柱孤天涯連曠野地軸盡平蕪
宅勝來神女登高屬大夫襄王與宋玉今古說江湖
陽臺自朝暮雲雨意如何今年春雨細入夏火雲多
古蹟留川渚幽祠護薜蘿仙靈應可叩吾欲挽天河
趙州守達泉留酌

得郡薊門別登堂三載過樽前傾契濶境內遍謳歌
官况冰霜冷風塵感慨多政成看起草徵詔下鑿坡
定州守肖達留酌

馳驟足卑塵悠悠憶所親中山仙甕酒東道故鄉人

郡治彤庭重君恩彩誥新還期膺命入仍醉薊門春
贈蕭玄圃太史冊封淮藩便歸邕州為太安人

壽四首

山水秀西嶺南荒才間生星精今軫翼風骨合蓬瀛
玉笋螭頭立金函鷁首迎光榮人所羨仙旆在王程
誰駕傳輅來詞臣視草臺稱詩同二雅搖筆麗三台
赤土王藩遠彤雲帝座開一持龍節去萬里護風雷
楚國今為醴梁園愛客心殿陰叢桂樹江影墮雲岑
鄉夢衝鴻急山郵度馬深舊栖閣正倚應操白華吟
壽筭金莖露華筵白玉堂板輿才善頌綵服景初長

雋望雲霄迥清時德業昌便期丹殿入同侍聖君傍

零陵王立所司訓會同賦贈

素業畝官貧閒心翰墨親握瑜甘被褐說劍老無綸
鄉校持新檄門墻擬大鈞平生壯行意且作絳帷春
許大行使楚便歸瓊海書贈

使節雄風壯鄉山海國遙離筵思贈屢越歲遠丰標
此念神明對無心地位超從容臨造次何物可紛囂

自題紫玉園八首

市遠東林道深幽曲塢西竹籬扃院落草樹隱山蹊
曉襲紅芳度春饒紫霧迷撲人如百和渾似武陵溪

右野徑花香

書堂擁玉屏松髯萬樹青高標常颯颯遠望故亭亭
似幄連雲氣如人下月庭閒思盟歲暮將著太玄經
右屏巒松色

山靈豈無意畫圖今日開深護水流處巧當門外來
薜蘿還匝路風雨正登臺應好尋佳侶閒心付酒杯
右竹樹排青

性愛一溪遠春看雨後宜小山交左右衆水落參差
故作龍蛇勢翻為景物奇流到平田靜悠然對碧漪
右春水曲流

農家望歲心西樓鳩亦吟夜聽碧天雨秧抽青玉針
作苦關生事逢年足滿斟閒凭方不厭真樂足園林
右三時樓望

谷口四山合掩扉烟雨中偶然窓上日何處坐看峰
樹杪行高岫尊前盡遠空祝融翠堪把吾擬駕長虹
右五峰晴眺

坐愛亭虛敞月來山靜孤樹梢推玉鏡人影漾冰壺
不寐聞仙杵長吟倚素都秋來白於練更覺片雲無
右空亭夜月

共結蒲團坐澄澄俗慮消荒村群動寂淨土萬靈朝

響入疑空梵聽餘轉次寥定知車馬客終不奈塵囂
右 跣趺清籟

郊遊和實甫三首

春色郊原遍憐春趁客招攬衣呼野屐連袂度仙鑣
綠坐鋪裯嫩紅看夾榭驕酒情俱不淺日暮轉無聊
晴光撩野思結騎出城西客到花迎撲鶯歲葉暗啼
流杯喧曲水散步歷幽蹊自與春投分閒情托瘦藜
佳景與遊人園花匝地新從前少晴日行處外風塵
傍水消凡想將杯度妄身物情看樹鳥啼徹一年春

詠用韞庭花和實甫

花開仙苑滿無事一凭闌香氣來衣上春工競筆端
着緋誇並面燒燭畏將殘清賞從前慣同君日日看

又和用韞

名花繞庭砌不俗草玄居肯容呈艷盡齊看乍開初
紅萼春能逗清樽興未踈酡顏欲相擬天地本蘧廬

郝園海棠和實甫

看盡海棠好春饒雙樹枝繁條軒外直面錦日中宜
暈入朝來面迷傾醉後卮東皇偏着意開過夏初時

韋寺和實甫

柳溪春寺綠鴈鶩集迴灣客愛水邊榭醉從僧閉關

據石杯初進觀魚意亦閒
總知遊物外真樂寄雲山
過韋寺和用韞

帝城春賞動應好
遍深幽信馬過名園
沿溪愛曲流
路花迎共笑堤柳
縮因留宮錦曾君賜
還為一醉謀
柰樹和實甫

看柰過荒野
樛枝面面垂
綠陰全覆日
白朶正開時
布席坐相促
清歌外不知
幽芳憐獨立
殊有歲寒姿
贈陳南濱侍御送母還其鄉

帝念乘驄久
潘輿轉舊扉
金莖為壽酒
豸繡作斑衣
臣節歸持論
親恩昔斷機
里門時一望
聖主待彤闈

送宮洗楊貞復乞病還二首

客邸故鄉遙
思親宦味消
夢縈增病色
謀去罷趨朝
舊德詞林重
仙舟驛路饒
春明門外別
惟日想風標
送君舟楫遠
回首夢魂驚
聞學為同調
逢年各老成
四方萍偶聚
萬里鴈孤征
何日張華劍
人聽寶匣聲
酬張質卿話舊并東諸館丈二首

萍合香難期
翩然慰所思
一為五峰別
萬里夢相隨
乍晤仍同醉
中懷總不疑
夜來涼雨興
瀟洒見新詩
嗟蛇何復道
衰颯惜年時
客思已無緒
襟期空在茲
多難驚邊堠
非才忝故知
諸君勉匡濟
勿待鬢為絲

和嘉猷宮贊雨中再用質卿韻

久雨伏初時端居澹百思閒應無客至靜只與天隨
素業甘成拙粗聞喜去疑金蘭吾所契常得共論詩
撐拄名賢在倉皇望治時恬嬉曾未久玩愒忽于茲
幸穩空齋卧難酬聖主知敢言無事者憂至已焚絲
同質卿嘉猷用韞飲世用次韻

榴花還照眼有約醉芳齋偶病難勝酌逢人易豁懷
酒堪歲世界塵已淨天街雨後貪涼氣宵分且笑諧

和余世用感時之作四首

西夏蟠雄鎮防胡入勁秋近來烽火息全卸廊廟憂

受款憑開市籌邊舊有樓誰知消內變制閫血交流
叛將稽天討臨河早濟師君王本神武綱紀詎陵夷
疲餒為邊卒勾連更羯兒招安應計拙何策佐無為
捷書西不至漢將緩封侯倭警還增劇洮兵未暫休
時時聽廟筭處處望旄頭却恐艱危甚明君也解憂
蒐兵行海上轉餉入關中總激憂時抱誰成濟世功
臣心扶日月帝澤徧華戎指顧妖氛定垂衣太極宮
和嘉猷夜坐詩用前韻二首

物理動應知人情靜可思隱微須有事形影自相隨
未覺行俱妄無心信不疑明誠在深造三復武公詩

擾擾俗塵地澄澄孤靜時六經秘可掇千古文在茲
畫常存夜氣獨不愧人知此子天人畫何勞樊繭絲
和嘉猷立秋苦雨

浹旬皆苦熱不厭雨聲頻偶然夏景畢即看秋氣新
一年驚過半萬物有漂淪醉裡能忘世清樽共隔隣
嘉猷酌世用用前韻嘲之

賸有西江水從教客至頻
薊州釀亦美端節賜還新
炎夏秋旋至朝暎夕已淪
細能推物理拚醉任西隣
嘉猷以詩招酌次答

無定風塵跡他鄉幾素秋
對君憫離索為客減羈愁

酒美傾餘滴樽空訂續遊
悠然忘去住不賦仲宣樓
同世用質卿飲嘉猷宅談虜又答

倚樹聽蟬慣當筵感四愁
酒行常造次官散只優游
退虜詩無力依隣醉可謀
幾時如此夜明月過齋頭
夜雨和質卿二首

電挾風雷壯秋傾雨水寒空庭天震怒獨榻夜衣冠
歲火通流急移書避漏難明朝愁沒馬頰壁滿長安
霽日初云暮炎蒸雨勢成雲來收月色風吼作雷聲
燁燁燈無焰漫漫砌盡平催詩渾未就孤坐夜淒清
七夕陸敬承將有留院之命嘉猷賦五言二章

遂次其韵

歲歲雙星合佳期又早秋凉宵初月皎靈匹煞風流
席傍明河近杯從大白浮人間與天上預有別離愁
鵲度雲輶迤星河冷歲年感秋添索莫惜別重留連
深夜露方湛層霄月向圓同袍成約在還得日攀緣
七夕餞集奉養嘉猷二首

雙星仍此夕未爽去秋期嘉會憂還卜離筵散愈悲
酒情消後夜遊興減當時恐罷渭城唱應看漸少詩
憤與友生別去年今夕同詩篇盈贈處書札倚鱗鴻
野酌時觀槿天遊獨御風定知幽賞足長日嘯山中

癸巳元旦作

知非近十年相看耳順前素志憂難副青春惜易遷
有情終帶俗無病始成仙努力追先覺網常在一肩
送用韞歸省參知年伯

握篆絲綸重馳軺六傳飛壽觴分玉食宮綵製菜衣
鵠舉秋旻遠蟬聯畫錦稀共看恩眷別報答切皇闈
壽余雲衢丈五十口占以和二首

甲申曾此日九曆始同吾朱露看周易黃幃進禹謨
籌方添海屋瑞已應河圖事業千秋在蹉跎愧老夫
知命逢初度秋光啓令辰八千今未老六十又從新

夙緣詞賦侶對影弟兄親不用悲華髮長開北海醇
春日督學伍益齋同劉承所招遊摩訶菴園亭
益齋示五言二首依韻奉答

風日煖春郊生姿露樹梢席前山傍寺籬外水流坳
泛酒沿池曲聽歌坐石凹愧居都下久仙客餉行庖
聚星俱軫翼逆旅共壺觴樂土依名刹空亭醉衆香
僧琴殊俗響文酒見清狂暮色淹留興應忘在異鄉
盧德玉中郎邀同益齋承所遊韋寺遇雪用前

韻

招携為勝賞飛雪滿芳郊緩放枝頭蕊全平石角凹

野寺尋梅逕林花綻粉梢怯寒偏藉酒金盞莫催敲
東林韋曲遠遊興不尋常白雪成佳景青春在上方
法華原徧滿初地倏清涼拚醉禪床卧招提即帝鄉
許鑑湖都督索題海屋圖歸壽西峪翁郡守

滄海開瓊室仙人縮歲華籌添初度日春在世臣家
掌上金莖露庭前玉樹花桃源巖洞美長貯赤城霞

半峯亭 甲午

淨土諸天界幽林說法臺畫廊龍藏隱香塔佛牙開
遶殿過僧榻逢秋盡客杯上方皆覺地窈窕半峯來
天界寺有懷遜菴上人

披衲辭花藥何方不遍尋威儀嚴戒律清淨足禪心
妙解機鋒捷名談密諦深恨來南國晚雙樹夕陽沈
蒼翠軒

講座高臺上天花賞梵音金針那可度竹院且相尋
拂檻風微動棲雲日易沈可憐蒼翠色渾欲染衣襟
少宰衡野先生招宴同春園

園林逗春色高宴敞秋光怪石峯巒峭雕欄草木香
逕沿花榭曲席徙薜帷傍共在繁華境應忘滯異鄉
瓦官寺與僧迎

入門青玉列一一秀空林有閣皆慈藏無塵只佛心
化城傳梵譯覺海聽潮音禪味燈龕寂蒲團歲月深
方正學先生祠

祠堂開木末宛在闕庭前縑經舊君服淒涼絕命篇
已知心匪石惟恨筆如椽忍說誅夷事荒墳起暮烟
棲霞寺

名勝金陵冠幽深洞壑藏東西分石徑高下徧僧房
面面峯迴合行行地杳茫登高况披豁夜酌肯辭觴
千佛嶺

豈是遊西竺山中佛宛然石似本來面洞如無色天
猿吟禪誦起月上慧燈燃欲叩無言說冥冥意已傳

白鹿泉

仙人騎白鹿來往攝山頭
洞裡紅霞駐巖前碧玉流
吸來容自好坐對意徧幽
曉葉含珠露霜毫影素秋

天開巖

石嶺攀緣上巖扉造化成
豈須庸斧鑿總不費經營
甲第連塵陌華堂結繡甍
定知雲卧侶相與笑勞生

太虛亭絕嶺

不到最高處誰知福地幽
頭上青天近山中紫氣流
大壑縈仙島層巒擁帝州
遊踪憑送目一為步虛留

梅花塢

傍寺梅為塢凌寒樹有花
尊前香細八月下影橫斜
往日空聞笛它鄉正憶家
江南春信發遙欲寄天涯

武園

武家亭榭好與客幾同來
砌偃青松蓋樓臨白石臺
平含秋後竹紅綻雪前梅
坐愛池橋月清冷一鑑開

史光祿園

書堂開麗景洞石出層樓
宛轉登山路滄澄印月流
避人紅粉淨留客綠樽幽
何必探奇賞池臺似十洲

懷古用韻二首

丙申

日月光華旦風雲會合時
垂衣瞻鳳闕論道集龍池

一德阿衡頌賡歌喜起詩九天開泰運千載應昌期
匡時歸帝佐政本在中書夙夜承清問從容侍直廬
有懷徇玉陛不敢愧金魚宴謚應游豫來歌奉屬車

紫園草卷三終

紫園草卷四

衡郡曾朝節著

五言排

詠盆荷初開 丁丑

碧缸分太液絳蕊綻晴波香襲薰風細容滋清露多
綠疑擎蓋小紅訝醉顏醞嫩芳搖水月新艷映庭莎
孤根欣有託訂賞許頻過已得林塘意無勞問短策

讀御製翰林院箴

聖代文儒重君恩禁近偏天文蓬島麗帝訓玉堂縣
四字明良咏千秋雅頌篇腹心情有托弼亮責彌專

不惜塵增嶽將期石補天
蹇愚終自今慙此對奎躔
賦得玉堂宜歲久

釋屩離蓬戶鳴珂上玉堂
螭頭爐篆細鼇島漏聲長
奎壁圖書敞風雲述作光
年華容荏苒客髮任蒼黃
臯契勲方盛乾坤道正昌
小臣期歲歲常在聖人旁
以鳥鳴春

令序入東皇芳菲闔艷陽
即看花爛熳賸有鳥徊翔
天籟虛無泄和音斷續揚
千山迤沓流響百轉逗韶光
樓穩聲愈亮飛低韻故長
煖依高柳發雨聽密枝狂
似花間適機真野外忘陽春
誰雅調聆此愧官商

贈密齋年丈之湖口二十韻

麗藻詞場彥芳蕤武庫名
解頤匡浩博散霧李縱橫
秀攬湘波湛祥儲嶽巘清
舊編承屢葉高誼重同盟
巷有回車者門多問字生
位終酬偃蹇理已測虧盈
自我鶯求切憐君鳳吹鳴
盍簪俱慷慨擢桂並崢嶸
吾道千秋意公車萬里征
飛蓬皆逆旅說劍或深更
忝竊庸仍達才賢困合亨
文章時命迂勲業歲華驚
除目新為令徵書衆所傾
黃金先郭隗白壁屬虞卿
廬嶽山連縣潯陽水帶城
瀑流清案牘鍾石和琴聲
念動關民瘼人和在政平
只應勞撫字莫不頌神明

奏薦群公滿騫騰兩翮輕雲霄期結伴郢曲會重賡
奉詔入直史館

帝運正熙明人文屬太平睿謨天絢爛藻思日熒晶
游藝縑緗積揮毫組繡縈神情倅造化妙詣契元精
已識英資挺還知聖慮清燕閒群玩遠延納片長旌
史館開中禁詞林集衆英更畚驚詔下顧問沐恩宏
盛事瀛洲舊清時玉署榮官雲搖綵筆仙露挹金莖
夙抱微忠切竒遭薄技呈缶音慙借聽涓滴激盱衡
萬載元良聖常期詠以貞

似鶴入蜀詩

妙選承明地才名碣石宮清華丹殿迥獻納紫垣雄
左省新辭直分臺蚤策功使星懸鳥道旌節度蚕叢
亦喜斑斕慶還誇白雪工弔遺羞夢雨八部凜觀風
畫戟千猿靜青山一鶴通能文原姓馬訪卜本非熊
濯錦詞爭麗埋轎望並崇勲猷當盛代不用羨隆中
恭撰大閱詩

帝業熙文治王猷振武功欣飛遴七校法從引三公
組練明春甸旌旄蔽曉空九天龍陣肅萬乘豹韜雄
快鶻威俱奮穿揚射盡工先聲驅瀚海遠略讐華戎
干羽虞廷上車徒洛水東止戈占聖曆從此詠昌隆

送趙懷白還分宜

輓輅違齊日囊錐約楚時人看千里骨客有九苞姿
謁帝名初起封侯數尚奇薊門甘旅食桂殿隔通逵
落木秋風壯征鴻夜月悲海帆天外遠鄉樹雨中疑
望入匡廬色行過劔水湄客舟思饌鯉仙洞待措頤
綵服歡應劇青山興不衰徵車來絳闕鳴珮集彤墀
我亦蹉跎得君寧薦達遺離亭白日暮重與訂襟期

遊西山曉行霧中

聞鷄催結束策馬望龍巖出郭頻占日遊仙正御風
蒼烟初拂曙翠霧忽迷空玉立風遙暗珠垂徑乍通

巾疑微雨潤樹似薄綃籠應解西來意腫脹上苑東

封翰讀韓友蘭翁八十是敬堂宮諭父有作

執蘭紛晚砌倚檻閱年芳紫氣來函谷黃眉並會昌

迹真商皓隱機似漢陰忘甲子元逢朔

以臘月時名之朔誕

舊字康恩綸冰比秩精舍玉為堂至後陽方長春前

酒正香宮衣遙有獻掌露迥還將未羨三花樹何言

九醞觴中台應燦爛南極倍輝光欲擬靈椿頌瓊筵

愧短章

節壽詩為沈欽華侍御大母王氏作

柱史祥源永重闈抗志稀殞心凋蕙草單影泣牛衣

誓死殉埋玉存孤切斷機艱難深歲月節操有光輝
閨閣關元化絲綸出帝畿鶴齡天佑助桃讌景霏微
鎮喜高岡鳳籟籟傍日飛

張玄阜給諫冊封粵藩賦贈

赤社開南徼黃衣御壯辰金函屏翰國玉節瑣闈臣
飛傳喧杓里輜軒度漢濱重湖凭碧檻全楚歷丹垠
桂嶺三湘遠雲幢百粵新維城揚帝冊擁篲禮王人
列樂歌鍾沸張旃玉幣陳梁園為上客周室本嘉賓
曲觀者娛醴中朝切轉輪談邊餘慷慨就業在經綸
朱鳳山中曲青壇洞裏身嶽遊應更遍何以躡清塵

贈光祿蔡景石判惠州

千里憶璫枝相逢愜所思尊同燕市酒人自晉陵芝
世業標通德流風美素絲傳家有玄草發跡托彤墀
一繫金門籍驚看玉樹姿主恩榮禁近時譽羨芳蕤
奕葉循良傳新綸滄海湄賢名勞半刺惠政及遺黎
有法操三尺無人畏四知部中誰佩犢天外獨褰帷
佐郡聲應起懷人念正馳論心踈永夜促席戀移時
解纜沿江遠揚旌入嶺遲庾梅開度馬塞鴈逐行麾
桂酒斟還酌驪歌喜易悲匆匆渭城暮何日慰分岐

脩嶽廟志喜

疊嶂周遭列平原與衍開踞離炎德重應極福區
鬼巨鎮尊方嶽雄邦肅卜枚祝融恢舊宅火帝奠靈臺
金闕輝雲漢琳宮切斗台百神爭擁從萬姓共徘徊
壯觀崇真境名山得上才洋洋賴歆響嘉績信巍哉
向懷蓋侍御見懷十韵賦答

憶別潞河渚久之魚腹書江漢度舟楫薜蘿迂里閭
物役有詬辱風塵多趑趄真味靜應適一間官不如
身世渺玄圃夢寐常華胥冠履跡為幻染翰情相於
名山富瓊玖絲筆來玄諸因之感契濶懷哉挹清虛
學道丹未就逢時術仍踈客去此報謝從君乞羸餘

五言絕

雪嶺

花藥歲春處香臺白晝陰日暮還乘興悠悠對遠岑
題畫二首

江上風波惡青山且自歸不看垂柳岼雙艇卧魚磯
茅屋暝烟合林鴉不定飛下馬石橋路知音天外歸
衆香亭口占二首

素琴本無絃靜堂亦何有我来百花笑相與但杯酒
山下流觴處花前半醉時道人心轉寂惟許定僧知
来爽臺用西山朝来致有爽氣為韵八首

門前通繡陌塵土一何迷不及秋鴻影青雲萬仞西
何以狎青山為臺與客閒深夜醉相語於山無厚顏
金氣入霜朝秋空迥次寥一尊臺上月萬里欲扶搖
興至一登臺登臺一舉杯就中宜我輩俗客不曾來
沉淪金馬門結構見風致誰道杯酒間不解世人事
凭闌騁四望靜夜息群有時聞秋蛩吟月影在官柳
不出清禁隅可以恣幽賞拾級見西山秋風颯蕭爽
景物眼底盡不用買山費世味常澹然煞有風雲氣

天臺寺二首

似入西天路來登般若臺祇樹含古色剛風吹劫灰

妙高峰色異天臺石路紆僧塔自風雪鬼車知

續臨濟正宗法派

正法湛無覺妙義悟本空靜證堅持一了超

莫愁湖水心亭月夜

折漿微茫度湖山莽太空月明廣寒殿人醉水晶宮

靜海寺潮音閣

梵域開江國空山振海潮不勞拈杖擊凡想靜來清

水雲亭

一壑慈雲滿雲留水不流老知清淨意閒共水雲幽

雲石閣

昔日巖棲者雲深客少過市朝風景麗僧寺酒人多
為常甥題九疑山圖二首

舜陵今在眼山山總屬疑玄德傳千古精微亦未知
曠代應難見蒼梧望渺然若論重華世尚書第二篇

六言絕

有斐亭和壁間四韻

何處吾廬紫玉西看疊嶂如屏漫說淇園舊景只留
遺蹟郵亭

去歲經過秋熱如今夏日重來溽暑於吾有分修
車馬爭催

追憶前時大歎何殊雪後
補芝皇澤幸留遺牙麥秋
喜樹愁懷

遙望九重日近長夏傍午車停愧於世道何補空看
柳眼青青

紫園草卷四終

紫園草卷五

七言古

七夕吟

衡郡曾朝節著

秋氣方新枕簟涼
牛郎此夕佇河梁
憶從隔歲聞環珮
相望銀潢只自傷
銀潢倏忽鵲橋成
夜半金飈宿暑清
絃服濃粧麗閨閣
七香駉駉儼遐征
別來重會喜如何
多少離情付短梭
匹練裁成合歡被
誓將粉席常婆娑
豈知月落朝霞鮮
翠樓曉箭促歸鞦
去秋亦自輕分袂
誰為留連度歲年
從來離合遞歡悲
春

往秋歸只許時但願紅顏各自惜
垂垂白露又佳期
贈王光祿歸省
春光媚行色攀折離亭柳
贈君南海歸持觴為親壽
欲問當年歡綵衣
壽觴亦有官家酒

鳳池篇

雙闕曛曛日初上千官劔舄依仙仗
太平天子垂衣裳
翩翩鳳鳥鳴禎祥
鳳兮鳳兮五色文
朱冠靈質非禽群
夕飲玄霜廣都野
晨遊紫霧天池濱
天池鳳彩爛
雲霞影入池波復可誇
龍胼鶴翼疑上下
琅玕竹實看橫斜
鳴來律呂諧
簫韶飄翔高舉還
蒼霄仙苞

自為明王出藻翰應輝有道朝
今皇有道盛梧桐
岐陽遺事欣重逢
已知丹穴在東省
共聽和聲徹九重
和鳴更奏陽春曲
朝罷從容紛佩玉
一朝天上會風雲
千古夔龍繼芳躅

臨高臺

臨高臺手可摘星辰
側身低望絕浮塵
可憐闌闕何紛綸
望入西山道燁燁
金光草中有棲玄仙
真詮啓瑤編
我欲從之心翩翩
金丹不獨思長年
憶昔君王憐駿骨
黃金舊臺已蕪沒
盛事只今欣重逢
要須致主酬蒼穹
高臺慷慨臨長風

觀唐十八學士登瀛洲圖歌

是誰為寫登瀛圖，唐家盛事乃在玉堂之館。烟雲彷彿海上之方壺，金銀臺觀九天出苑花宮樹。春紛敷憶昔秦王天策府，四海英豪佐神武。雲龍風虎詫遭逢，不獨除克報千古。時看破陣機務閑，幕下文藻何翩翩。宮西華館高切天，三番直宿窮雕鐫。八珍絡繹恩禮偏，得暇但恨虛流年。草檄紛紛馬上傳，鏡歌度曲還尊前。太乙燃藜夜石室，西崑晝啓瓊瑤編。官袍獸錦色，掩映黃金腰。裊珊瑚，鞭風流文采，世稀有時人。徃徃稱神仙，只今勝蹟已千載。閻圖于贊流傳在

對此縑素若有神，咫尺蓬瀛盪光彩。就中我聞房與杜，參謀帷幄張武庫。王佐之才不輕遇，明君賢輔精相聚。嗟哉瀛洲之仙有諸老，自餘圖畫紛紛何足慕。
咏開創功臣圖畫

高皇仗鉞驅群雄，妖星電掃明當空。已聞聖人自神武，却道軍牙盡如虎。昔當滁陽江初渡，天戈一指旗俱仆。鄱陽戰勝江漢清，閩越父老壺漿迎。胡雛北遁，羶毳無燕南。薊北皆皇圖，諸公制勝雖廟筭。韜鈴徃徃穰苴擅，長鎗利劔氣昂。歲玉鎧金甲威，翕張遂令六合屬。疆宇直與商周並，伊呂漢家三傑那可擬。雲

臺麟閣徒為爾我生幸戴高皇天英安尚憶龍飛年
再拜丹青更想像精靈似欲生雲烟

苦寒行

鄒生吹律變寒谷今年茲地仍威稜青氈夜擁玉樓
合短檠無猷蘭膏凝還聞近郊雪十丈牛馬蜩縮如
纏滕遼東將士未休戰裂膚墮指愁先登猛風中夜
捲屋瓦誰能忍凍糜層冰坤軸倒翻凜殺氣天豈滅
虜恣憑陵青海戎王僵欲死邊烽無警王猷弘我皇
念民詠黃竹三軍挾纊思奔騰陰山皚皚倍慘慄誓
將報主酬中興紛紛紕袴雄甲舍笙竽酣笑窮驕矜

但誇歲暮且為樂豈顧戰鬪輸金繒窮巷迂儒怯寒
者肌革羸瘦頭鬢鬢閉戶著書苦不就硯寒筆亦乾
自憎

大理卿賈石葵公索父母雙壽詩有頃乞假還
乃作歌封君嘗為內丘學博云

丈人峰高東海邊瑤池歲啟蟠桃筵銀河炯炯掛南
斗鶴髮垂垂仙作偶自從十載罷傳經林壑逍遙一
草亭匡扶事業有仙子省闈綸扉無不美詞翰中原
本擅場慨慷封事摧豺狼遂令聲名動朝野人誰不
羨君房費已誇銀艾耀文爛更道君恩次第頒鸞鳳

雙盤錦箋赤天語琅琅慰垂白東籬叢菊花正開乘
軒恰見郎君回堂前高宴寧辭數醉倒金樽恣歡樂
即看天子徵舊臣壽杯不乏華筵賓

歌送上元劉簿

尊公舊是程鄉令掉臂林泉事觴詠去歲書來手自
題尚想精神筆端勁君今謁選向都門驂駟縱蹶終
不群曾看抱藝聲籍甚少年意氣凌蒼旻人生遇合
有時英雄往往常嗟咨但將尺寸酬夙昔豈厭物
東南馳東書仗劍辭知己京邑迢迢度江水仇覽
須知振大名暫棲枳棘鸞凰起好為緘書報白頭徊

翔赤縣無煩羨江山如畫臨官舍退食還應賦勝遊
和教太史生子述懷

羨君蚤得麒麟兒况復啼聲今白眉元方季方兩文
璧太丘不厭炊成糜東隣楚人湯餅客覽君述作歡
且悲近者荆婦至燕邸連年生女當衰遲乃知真宰
固有媚豈於厚德無偏私龍門世史豔千古韋家相
業名同垂即今照耀珠在掌但覺喜氣充門楣大江
之西富山水匡廬彭蠡盤雄奇人文鬱興瑞當世鳴
珂結綬蒼龍墀君之慶澤信不淺向聞抱送來摩尼
餘庇可使及隣里兩家相賀還相嬉衡山湘水亦不

惡清宵便欲占熊羆

四月晦日雷電

今年今日雷始聲老龍怪底眠不驚奮螫折甲後時
令祥風時雨乖天行初聞雷聲思雨聲自春徂夏雲
霓情電如鷄子擊屋瓦轉者避電如避兵雷吼電擊
怒巨淵欲雨不雨陰陽爭湏臾電止輕翳斂依舊旱
氣高崢嶸倚舟脉脉弄四顧調元會使躋昇平

春陵篇贈元公宗裔

周家學脉山之東六經刪述杏壇
上萬世可

豪雄從前治運有消歇要令海岱恢儒風一
忽斷絕日月晦蝕長夜同諸家橫議作鬼語
詰徒能工更來詞藝闢藻績往往竄入儒林中其間
一二亦超卓頗窺正緒收微功升堂見解只影響千
年那許真筌融中州以南說吾楚洞庭雲夢涵虛空
元氣磅礴五峰頂瀟溪直與瀟湘通曩初神物久扁
闕天豈終遣斯文壅五星奎聚有徵兆春陵一日生
人龍圖將太極揭宇宙三才萬象宣鴻濛六經以後
談著述通書妙義天人窮文章簡勁存渾噩寥寥果
足該幽崇大儒未用發浩嘆誰從載籍瞻儀容嗟余

生晚數百載鄉人尚愧孱且侗頻年學道眇知識異
時何以酬蒼穹先生後裔雅馴者延賞新命君恩洪
都門遠見儼舊德瓊瑤把贈情偏濃月巖風月無邊
在他年會訪春陵翁

蒲萄歌

蒲萄爾何物萬里遙相將一得種樹法還傳釀酒方
豈貴珍竒縱口腹分明夸示漢家威德通胡羗別殿
離宮無不有珠寶纍纍紛左右一時戎王盡稽首王
母西來為君壽蒲萄本自玄圃中漢皇亦設蒲萄酒
王母一去不復來漢皇于今安在哉長生有訣不經

驗對此蒲萄空嘅嘆只今馬乳薦流霞殿前還對石
榴花從臣但進卷阿什不數漢事勞紛拏天漿馬乳
如賜某臣不敢嘗臣有母

和沈箕仲遼東將軍歌贈東海楊侯

君不見樓船將軍渤海來右渠授首東夷開楊家將
業著西漢還誰今代摧群材自從遼陽事征討旌旗
遙映龍駒島更聞刁斗九連城不盡風沙千山道將
軍生來玉關老雄心欲蹴崑崙倒殺氣昏沉塞外營
兵威冷壓秋前草詎言士馬方留連一呼血戰無狼
烟但將軀命報天子功名一日歸戎旃如今飛將封

侯久虎頭燕頤君希有捲月清笳祭戟高倚天長劍
蛟龍吼

祝融峯泉

龍蟠厚地幾萬丈倒噴碧天當陽升解道一泓能浴
日穿崖度礪青雲層乃知元氣日浩浩嗟吸吞吐方
騰凌靈區勝地有默宰要令絕頂開滄澄南方火令
繁桂樹長育萬彙炎德弘變化神理所以示潤物不
獨雲霞蒸俯看脉脉欲究詰名山奇事終堪矜

望月臺

倪融中天拔地起巖巖之石何崔嵬玉兔西奔夜將

半玉母金鏡升古臺星冠霞裾漫裝束群仙共宴瑤
池隈濛汜不敢迫西下空濶浩渺清雲霾厭厭闌風
之玉館蟾蜍桂樹遲徘徊不知人間久昏黯玄都天
闕殊奇哉我来望月月初出人言此景終疑猜想當
三五鷄就曙日宮月殿東西開雙丸相射盪精彩吁
嗟便欲承雲來諱將異境泄世上怪看山頂常風雷

峯上雪

晴日為陰霧為雨陰忽無雲晡為午欲令遊人覲朝
旭捲盡蒼烟積玄武開雲亭上晝方明不覺眼前隔
豐蔀頃刻變幻果有神難與人間論常睹我来峯頂

高秋辰共喜秋色宜遊人青玉壇邊氣初肅紫蓋峯
頭寒始新詎知空界走滕六飛瓊屑玉盈蒼旻金聲
錚錚擊芝蓋銀色晃晃棲花茵未言南北異涼燠高
寒凜冽無秋春乃知名勝富竒跡儵忽叵測難具陳
俯仰天上一長嘯冒雪拄杖重逡巡

與張裝潢

古人有真蹟傳來幾百年愛玩南窓下能使萬慮捐
豈但作者擅毫素裝潢工人須獨步扶持意象生色
新歲久精神宛如故衡陽張老此希有人家爭享千
金帚鄴侯山房三萬軸牙籤一一煩君手

贈周海門年丈之淮上歌

君今謫宦江淮遊乘春欲覓河灣舟柳條可折未成
綠東風日日吹芳柔柳不愁綠不勻折柳縮君衣君
去難逡巡江北淮南美風景何如西岫青嶙峋黃金
薊門高古臺九重亦重驂駟材泛溪自戀剡曲好十
年不出心如灰接君淺知君深自彈雅操沸白雪更
傳妙音來空林衣冠豈礙狎飛動龍蛇且復隨浮沉
但看小山桂勿誦招隱詞杯酒對瓊花來示北征詩
此中兄弟見肝膽切磋共不辜明時相離便相憶見
面還近遠國手如今敵者誰碁聲畏逐春帆轉

和周海門寄李道宇太守歌

江海誰能汗漫遊人間不繫之扁舟掉頭萬事盡身
外策筮可以輕王侯李君吾徒里同楚十年郎署歸
心苦北來遂縮諸侯綬聽取聲名動南土聞道風塵
躑躅難羞將繞指向人看高堂有母愁垂白便掛蒼
龍闕下冠清風自解遺流俗勁節寧知在歲寒昔年
意氣人爭羨美材豈合淪丘澗一日來酬明主知為
道神龍有潛見滿貯經綸菽水餘灑將化雨寰區遍
詞客歌成倍夢思思君我復憶當時尊酒笑談曾並
處來遲恨不留君住

天上玉麒麟歌

柯公子方童齡白皙秀俊神氣異兒群乃是天上玉
麒麟玉麒麟天上見玉皇宮闕九重深玉麟奏進通
明殿通明殿上問如何文昌仙吏侍鑿坡九陛前頭
青玉案垂衣端拱御元和含醇醞粹奇禎出獨角之
獸稱第一白玉為精赤為血郊藪空云瑞王國自從
天子昌明年星辰盡化公卿賢不惜天家玉麟降積
善何人兆應先柯侯初作旌陽令清慎廉平多美政
旌陽真人訴真宰遂使麒麟誕家慶柯公子真麟兒
五歲占對有佳句看取青春擢桂枝文章事業憑顛

力長大淬礪湏及時蹉跎似予非爾師

獻花巖

嬾融棲禪石巖下禽鳥有靈來獻花花卉含靈具佛
性與佛在山無爭差自開自落自根蒂支離採掇勞
紛拏鳥至花亦至鳥語花無譁嬾融已忘言但見枯
槁骨立如槎牙有知本無知無生亦無涯自見無涯
性天地等浮苴花鳥供佛佛受供由來萬靈皈毗耶

雨花臺

名僧說法天雨花舊事流傳馥齒牙寶花紛然匝空
芥轉眼亦復隨風沙佛法本空說空幻天工幻出空

花現由來空幻一無有是花非花香難辨世人同上
雨花臺共憶名僧僧不來如今只好供遊眺一望都
城醉眼開君看薄靄抹江干縹緲雲從合盡難酒杯
未落有更換雲昏霧黑山漫漫停杯且論虛空理天
雨空花亦如此若教白日常在天六朝宮殿無覆顛

木末亭

雨花臺前空林幽方公祠後峯上頭萬樹陰森蔽山
麓攀緣石徑亭中遊鵲巢傍席一俯睇風葉下聽吟
颼颼平臨若木接銀漢坐覺夜色秋雲流城外看山
興已道芳樽何處更淹留若使青春重到此山鳥山

紫園草卷五

花擁醉眸

紫園草卷五終

